

05

A

568

Disputationes AntiGesauvitice
DE VERBO DEI
S C R I P T O.

In quibus Speculum misericarum siue mendaciorum contra Mulmannum, à Iohanne Mulhusino, Apostata, apud Moguntinos Theol. D. & Professore, à parentibus suis Lutheranis olim Episcopis dicto, fabricatum, malleo divina scripture

Frangitur, tunditur, conteritur;

P R A E S I D E

M. I O H A N N E M V L-
manno Ecclesiæ Christi ad D. Nicol. apud
Lipſ. Archidiacono, non tantum adhuc Lutherano,
ut sterco ſus Propheta in ſua iſcriptione notat, ſed et-
iam per Dei gratiam uſque ad ultimum vitæ
halitum mansuro.

Reffendente

M. I O H A N N E BLVMENAVE-
ro Zerbeccensi.

V V I T E B E R G A E

Excudebat Iohan. Schmidt, Sumptibus Cle-
mentis Bergeri Bibliop. Anno 1607.

VIRIS

Reverenda dignitate, eruditione praeclarâ, au-
toritateq; rara eminentissimis & eminentibus:

Dn. POLYCARPO LY SERO S.S. The-
ologiz Doctori, & in aula Illustrissima
Dreldensi sacroru Antistiti vigilantissimo;

Dn. IOHANNI OLEARIO S. S. Theolo-
giz Doctori, & Ecclesiaz Hallensis Super
attendanti fidelissimo:

Dn. M. ABRAHAMO SVARINO, Eccles-
isia Delitianæ ac vicinarum Inspectori
fidissimo:

NEC NON

AMPLISSIMIS ET PRVDEN-
tissimis Viris, Dn. Consulibus, caterisq; Or-
dinis Senatorii Zerbeccensis Con-
sortibus:

Dominis, fautoribus, patronis, ac promoto-
ribus suis offert ac dicat



Primam disputationem AntiGesanuviticam
Gratae mentis μνήμοσύνου
Et Debita observantia τεκμήριον

M. Iohannes Blumenauerus
Zerbeccensis.

OS A 568

Iohanni Mulhusino loco salutis mentem veraciorem.



AH, quām impatiens isthac est patientia,
quām brevis longanimitas tua, Iohannes
Gesauv vita! qui in ipso quidem mendacio-
rum Mulmannicorum scilicet vestibulo
profiteriste, quæ tibi videntur convicia, li-
benter omnia Adversario condonaturum:
nihilominus tamen me partim ~~αποπροσώπως~~, per Baccalaure-
um tuum, larvatum muscarium, inter capitales muscas & cu-
lices à Beelzebube per Lutherum excitatos, recenses: partim
~~αποπροσώπως~~, Suffeno cuidam Catulliano, insulso caprimulgo
& fossori in præfatione tua comparas. Quibus viperinis morsi-
bus usq[ue] adeò mihi nullam bilem moves, ut jucundam potius ju-
bilandi necessitatem afferas: tibi vero ipse ingentem turpitu-
dini notam inuras. Hoc enim pacto liquido testatum facis,
te ex maledico Iudeorum grege esse, qui ut nostrum, Patrem-
familias Iesum, Beelzebubem vel principem muscarum incla-
mare haud veriti sunt: ita tu, egregius tanta malitia æmulus
pro muscis & culicibus omnes habes, qui vocem Christi solo sa-
crarum literarum complexu descriptam, sequuntur. Ita fit ut
quo me exacerbare, virisq[ue] bonis in visum reddere voluisti, id
mihi apud Deum & omnes sanctos maximam laudem & ho-
norem conciliet. Nec ego tam mollis ac effeminatus sum, ut ab
iis conviciis abhorream, quibus Salvator meus longè atrociora,

Gesauv vita-
ca hypocri-
tis.

Retorsio
criminis in
authores
fuios.

Socratica
patientia.

animo patientissimo toleravit. Proinde de compensandis illis parum quoq; ero solicitus: sufficiat illud Socratis responsum tam scitum quam aculeatum: an, si me Asinus percußerit, oporteat me continuo in quadrupedem recalcitrare?

Novissimè
venerunt
duo falsi
testes.

Verum ne mihi preter causam sufficii culpam impingere videaris, adducis duos testes, nescio ex quibus tenebris extra eos: Vnum Doctorem quandam Lutheranum, quem me in Epistola sua sufficium lessitis numquam parem nuncupasse dicis: Alterum honestum quandam & literatum virum, mihi olim familiarem, ex cuius sermone didicisti, me quoq; Lutheranis cordatiorebus esse in visum. O quam vereor, ne Lectori sub ventaneos cerebri tui partus narres; heus Gesauvita, quinam sunt isti duo, qui me tibi de nota deteriore commendarunt? dic nomina, si mendace & calumniatore meliores: Vbi gentium habitant: apud Cilicesne vel Cretenses? dic sodes, quos tu cordatiores Lutheranos mihi parum propitius intelligis? quære eos in quorum oculis jam verbor, & senties, te inani imaginatione & solicitudine mei macerari. Sed aperiam tibi Lutheranos illos ex hisce præfationis tuae verbis: accedit quod Mulmannus ob summam dicacitatem Calvinianis etiam exosus sit, quos hæreticos passim juxta illud: Væ tibi tu nigræ dicebat cacubus ollæ: proclamat. Provocas tu ad meas proclamationes, hoc est, conciones viva voce habitas: quis hic de me conqueritur, non Lutherani, quia nullam habent causam: Si Calviniani: mentiris tu impudentissime, me Lutheranis esse in visum,

utpote

^{ut}pote cui satis cognitum est, quanto diafemate Lutherani à
Calvinianis se juncti sint.

Cur verò bone vir odium Calvinistarum mihi objicis? quo te queso favore & benevolentia Heidelbergenses & alii Calviniste prosecuti sunt, & adhuc prosequuntur? cur probrosum mihi sit, quod tuæ fame non vis esse perniciosum?

Qui Calvi
nullus invi-
sus est, est
suffenus.
Sublime
Gesauvvia

Quod si qui etiam ex Lutheranis mihi infensisint, nulli id rectè judicanti absurdum videbitur. Habuerunt Prophetæ osores Iuos in populo Dei, habuit Christus, habuerunt Apostoli: Nonne legisti Amos 5. Ver. 10. Odio habuerunt corripientem in porta: & loquentem perfectè abominati sunt. Quinimò quoties inter discipulos Christi odium aliquod vel inuidia oborta est? hinc illæ rixæ & contentiones. Matth. 18. Luc. 22. At noster Apostata Naso quo vis impio fortunatior est: nec enim est in labore hominum nec cum hominibus flagellatur Psal. 73. Ver. 5. procul semotus à communi sorte sanctorum. Interim ut credam adduci non possum, religiosum istum Mulmannicæ fortunæ observatorem & corycœum nullis Iesu- itis vel Papi colis in visum esse: Constat enim universo Mundo quam seditionem, virulentum & pestiferum sit istud genus hominum, quam inimicum aliis Clericorum ordinibus, quam exsecreabile illustribus Rebus pub. Venetorum, Gallorum, Anglorum, Polonorum & aliorum. Quare si vel maximè uni vel duob. biliosis Lutheranis in visus essem (quanquam nullam id suspicandi causam habeam) tu certè me infinitis modis es infelicior, qui cum toto Iesuvinitarum examine, omnibus cordatioribus

Gente Ge-
sauvitica
nihil odio-
sius alit ter-
ra.

¶ magistratibus & Christianis passim in utrasq; nares sordes :
hinc lethalem scabiem sive lepram conaris mihi quoq; lutea tua
præfati uncula, sed frustrato e ventu affricare, ita ut de te quoq;
jure usurpari possit illud Homerum Iliad. d.

Bαλλεται δὲ οὐδέποτε μέντος αφάναστος.

Quod Iesuitis & Catholicis à me mendacia illata de novo
conquereris actum agis, responsum tibi est in Anacrisi mea de
Pyrrhone redi vi vo cap. 3. Quid tu contra? haec omnia Mulmano
libenter condonabimus. Frustra patientiam simulas, qui
in Praefatione vesanam mordendi libidinem exerves.

Mirabilis
ratio solven-
di Luthera-
norum ar-
gumenta.
Sed ad mendacia ipsa pedem moveo, in quibus narrando,
negando que potissimum, non probando miserrimum agis dispu-
tatem, juxta illud: si fecisti nega. Namq; tuo more vel puli-
cis instar hinc inde saliendo, argumenta neruosiora quæq; re-
linquis, vel obiecta per malitiosam status cōversionem, le vicu-
la aliqua ἐναντιοφανίᾳ eludens, pueriliter & insulsè clamitas,
mendacium, mendacium, ut olim Ratisbonæ, in Forma, in For-
ma. Vbi vero maxime opus erat response, pīscem agis vel
Sophistam, cum tamen Anacrisis meate ad responsūm w̄sēs
tā nadūrāsa pro voca Verit.

Quod autem serius tibi respondeo, in causa est serius mi-
hi facta exemplaris tui copia, quam acceptam refero cuidam
Iesuitastero, ex quo inter alia cognovi, te de misero isthuc spe-
culo tuo disputasse die decimo sexto septembbris ab hora octava
usq; ad decimam. Adeo expeditus est Gesauvita, ut cum ad
omnia Paræit & Mulinanni argumenta refutanda, tum ad Li-

centi

centiandum pro dignitate examinandum, parborarum ipsi sufficiat. Atq; bæc disputationibus nostris præmittere visum fuit: nunc qæ Multmannus mendacia commiserit, audiemus. Admonitum autem volo te, GesauvVita, ne posthac, sicut antea à te factum est, unum atq; alterum verbum vellices, argumentis gravioribus, ad quæ nihil respondere poteras, relictis: sed ut ad singulas questiones à me propositas respondeas: si hoc non feceris, judicabunt omnes te cum speculo tuo penitus contritum esse: nec ego te ullo amplius verbo dignum reputabo. Resipiscendo vale.



Dispu-

Disputatio prima

Continens mendacii primi refutationem.

Prologus Moguntinorum.

THE S I S . I.

Drum mendacium est: Moguntinus (absolutè, & quasi defectum vel vitium aliquod in iis notarint.;) sectione I. Thesi 4. Scripturas obscuras dicere. Mendacium, inquam, hoc est; neque enim scripturas sic obscuras dicimus (quod semper calumniantur isti) quasi alicuius inde vitii vel defectus eas insimulemus, sed solum, quia ob loquendi modum & mysteriorum quæ tractant, sublimitatem (ut Trinitatis, Incarnationis, Eucharistia, Prædestinationis &c.) nimis humanae nostræ intelligentiae imbecillitatem superant, iuxta illud Rom. II. O altitudo divitiarum sapientiæ & scientiæ Dei, quam incomprehensibilia sunt iudicia eius & investigabiles viæ eius &c. Vnde hic non se prodit solum Mulmanni mendacium, sed stupor etiam vel malitia. Is si hæc thesi 3. 4. & 5. clarissimè exposita non intellexerit: illa, si quæ intellexisset, sinistre fuerit interpretatus.

Adiutorii Mulmanni.

I. I.

Ut mendacium hoc, quod tenebrio Moguntinus principale dicit, retundatur, explicande sunt haec quæstiones. 1. An Sacra Scriptura Iesu & vitis absolute & in se sit obscura? 2. An Iesuitæ Sacram Scripturæ vitiæ & cum defectu conjunctæ obscuritatis insimulent? 3. An obscuritas illa solum in loquendi modo & mysteriorum sublimitate, consistat? 4. An Pauli ἐκφώνησις dævum asinum faciat Scripturam sensu Pontificio obscuram?

QVAE

Q V A E S T I O. I.

An Sacra Scriptura sit Iesuvvitis absolute obscura?

III.

Questionis materiam extorsi Gesauvvitae hoc Syllogismo:

Quicquid ex sacra Scriptura probatur sine autoritate Ecclesie, id dubium & incertum est.

Αρρωτή^{μη}
questionis.

*Sed ex Scriptura probatur sine autoritate Ecclesie, quod Ecclesia sit Index controversiarum infallibilis. Matth. 16. 18. 1.
Tim. 3.*

Ergo id dubium & incertum est.

IV.

*Majorem probavi κατὰ τὸ ἀνθεμοῦ λόγον θεονον ex Moguntino-
rum disputatione de Sacrarum Literarum interprete &c. sect. I.
th. 4. Quia Scriptura est obscura.*

V.

*Minorem probavi: quia alias sumeretur ἡ εὐθύχεια hoc mo-
do: Ecclesia est Index controversiarum Theologicarum infallibilis:
ratio: quia infallibiliter judicat ex Scriptura de sua autoritate.
Ita incertum per eaque incertum probaretur. Vide Epistolam
dedicatoriam ἡ αὐτοῖς nostris.*

Lubricum
fane & in-
firmum
Theologiae
Rom. x,
principi-
um.

VI.

*Quid Iebusita? Hoc Syllogismo adeo constrictus tenetur, ut
concessis ambabus premissis nihil negare auit, nisi probationem
Majoris: Moguntinos Scripturas dixisse obscuras. Sed age asscriba-
mus illorum verba, sic inquit Mulhansinus sect. I. th. 4. Nemo
prudens mirabitur, quod Scripturam obscurioram dicam-
gereque interprete, cum & ipsa sua de obscuritate eviden-
ter testetur.*

B

Viden



VII.

Vider, bone & nīōyε, quam tibi constes, si nō minem prudenter vis mirari, quare Scripturam obscuram dixeris, qui quoſo men-
titus est Multmannus, quod te idipſum dixisse meminerit?

VIII.

At negas te Scripturam absolute obscuram dixisse, ideoque Multmannum te calumpniali conquereris: ehen quām φευδολόγως tu enim ipſe per parenthesin calumniosam meis verbis affingi τό absolute anacrisis nostra non habet. Quare mendacium & calunnia non est in mea anacrisi, sed in tua parenthesi.

IX.

Sed quorsum obscuritatis tua explicatio? sanè de argumēto meo ne syllabam quidem refellit: sic enim Majorem adhuc probō: Quicquid ob loquendi modum & mysteriorum vel rerum sublimitatē obscurum est, ex eo nihil potest probari sine autoritate Ecclesia. At Sacra Scriptura est ob loquendi modum & rerum sublimitatem obscura. Ergo ex ea nihil potest probari sine autoritate Ecclesia. Et per Consequens ne ipsa quidem Ecclesia judicialis au thoritas.

X.

Murus hic esto abeneus: iterum te laesso miserrime Geſauvita, responde ad argumentum hoc, ostende quid in eo desiderare posis, quod veluti lusciosus vel lippus præteriisti, cum nullam elabendi rimam videres. Aut nos ex obscuritate Sacrarum Literarum à vobis propugnata concludimus istud ἀντον: Ecclesiam Romanam nullam habere autoritatem judicialem.

XI.

Si vero illa Scripturæ obscuritatis non obſtat, quin ex ea Ecclesia autoritatem interpretatoriam, quod jactaris, probare posseis: perinde non obſtabit eadem, quo minus, alios articulos fidei inde confirmare & explicare valeamus.

Vide

Beacaus
ot
noſtri argu
menta

XII.

Vide autem mihi Gesu ueritas, qui te aliosq; catholicos tibi concilias. Nam modo negas, te Scripturam absolute obscuram dicere: at. Sect. 3. th. 50. ita deliras: Scripturam varios recipere sensus, experientia tot hæresum manifestum est: nec minus perspicuum, eandem scripturam per se, neque explicare, neque dicere, quisnam tot sensuum verus sit quis falsus.

XIII.

Hinc contra te ita argumentor: Quia scriptura nec verum, nec falsum sensum explicat, eatenus varios recipit sensus: sed per se nec verum nec falsum sensum explicat. Ergo per se recipit vari-
sus. Ergo in se habet obscuritatem. Ergo absolute obscura est.

XIV.

Pugnat tecum Patriarcha tuus Bellarminus à quo tuas theses alias mutuatus es: Nam lib. 1. De Verbi Dei interpr. c. 1. scribit. Notandum est, Apostolum Petrum non dixisse, esse quedam difficultia indoctis & instabilibus, ut heretici exponunt, sed difficultia abso-
lute. Vbi Bellarminus de difficultate intelligentie loquitur, que eadē est ac obscuritas. Statuit igitur scripturam esse absolute dif-
ficilem & obscuram, quod negant Moguntini.

Moguntini
contradi-
cunt Bellar-
mino.

Ita conser-
vunt Cad-
mæi fra-
tres.

XV.

Hic est mirificus ille consensus inter omnes scriptores sacros in Ecclesia Romana, unde Bellarminus probat, eam solam esse veram Dei Ecclesiam lib. 4. De notis Ecclesiae c. 10. credo equidem sicut simia ste Martinus.

XVI.

Quare Mulmannus non est mentitus, sive dixit, scripturam Moguntinam esse obscuram, sive absolute obscuram: aut necesse est ipsos à Romane Ecclesiæ confessione discedere.

QVÆSTIO II.

An Esauitæ Scripturam vitiosæ & cum defectu
conjunctæ obscuritatis insimulent?

XVII.

Inserit & hac verba Bibliomastix noster suo marte, sed plane
frustra: nullo enim adhuc digito tangit mei argumenti solu-
tionem.

XVIII.

Etsi autem nolit videri is, qui defectum vel vitium aliquod
in scripturis notarit: tamen scipsum expressis verbis ita confudit,
ut prolixa responsione non indigeat.

XIX.

Sectione 2. disputationis sua de sacrarum Literarum inter-
prete, &c. th 28. sicut inquit: Nonnulla Christianæ fidei & reli-
gionis dogmata, neq; in scripturis expressè contineri, neque
ex illis per evidenter consequentiam deduci certissimum
est. Item: Scripturæ non sunt unica norma seu Regula fidei:
sed præter illas, ut fidei quandam Regulam, illam quoque
Ecclesiasticam traditionem admittere necesse est.

XX.

Quis hic adeò stupidus & cacus est, qui non intelligat &
videat, à Mulhansino expressum defectum in scripturis nota-
tum esse?

XXI.

Si nonnulla fidei dogmata cum traditionibus Ecclesiasticis
non extant in scriptura, necesse est eam multorum pati defectum:
& si eadem non est Norma fidei sufficiens, procul dubio est Norma
secundum plurima deficiens: nisi forte statuere velit insulsus di-
sputator: defectum non esse in iis, in quibus multa desunt, multa
non sufficiunt. Dic sodes Iesuv vita, quid tandem est defectus?

Ex defectu
mentis non
intelligis
quid sit de-
fectus.

Defectus

X X I I.

Defectus procul dubio idem est, quod imperfectio & opponi-
tur perfectioni. Perfectum definit P. Thomas in opusculo de per-
fectione, quod sit id, cui nihil deest in ordine ad aliquem finem.
Quam descriptionem agnoscit Bellarminus lib. 2. de Monachis c. 2.

X X I I I.

Subsumo ego: Scripturæ ex Gesauvitarum sententia mul-
ta desunt in ordine ad finem. Ergo Scriptura non est Iesuitis per-
fecta. Major est probata autoritate Thomæ & Bellarmini: Mi-
nor roboratur hoc pacto.

X X I V.

Finis Scripturæ est agnitione Christi, hominis perfectio, salus
& vita eterna, juxta dicta Ioh. 5. v. 39. Scrutamini Scripturas,
quia vos patatis in ipsis vitam eternam habere: & illæ sunt quæ
testimonium perhibent de me Ioh. 20. v. 31. Hæc scripta sunt ut cre-
datis, quia Iesus est Christus Filius Dei, & ut credentes vitam ha-
beatis in nomine eius. 2. Timoth. 3. v. 16. Omnis Scriptura Æoniev-
sos, utilis est ad docendum, ad arguendum, ad corrigendum, ad ee-
rudiendum in iustitia, ut perfectus sit homo Dei.

X X V.

Sed ad consequendum hosce fines: agnitionem Christi, hominis
perfectiōem, salutem & vitam eternam multa desunt Scriptura,
ut Papicola sentiunt: prouinde vitio & defectu non aliquo sed plu-
rimo eam laborare necesse est. Ita Mulmannus Moguntinos intel-
ligit, neque quicquam sinistre interpretatur, sed ita, ne illi à Nu-
minibus suis, Thoma & Bellarmino, imò ne à seipsis quidem vie-
deantur descire.

Q U A E S T I O. III.

An Obscuritas ista Scripturæ solum in loquendi
modo, & mysteriorum sublimitate consistat?

Quid Tho-
mæ & Bel-
larmino sit
perfectum

Definit A-
rist l. 10.
Metaph 4.
τέλεον οὐ
καὶ ἐστιν ἔ-
ξω τέλεον
ταῦταν τι
δικαστέον.

XXVI.

Voce (solum) discedit Mulhusinus à Gregorio de Valentia, qui
tom. 3. Comment. Theol. disp. 1. quest. I. de objecto fidei punct. 7.
tertiam obscuritatis causam addit, eamq; refert ad nos ob infirmi-
tatem intelligentie multis mediis atq; adminiculis indigentes.

XXVII.

Sed iste mavult cum Bellarmino sentire, de Verbi Dei in
terpr. l. 3. c. 1. Quid ita? audi Bellarminus duas recenset sententias,
unam Lutheri, quod Scriptura licet per se clarissima, tamen super
bis. & infidelibus sit obscura ob eorum cecitatem & pravum affe-
ctum; alteram Brentii, quod etiam interdum sit obscura propter
phrases linguae, tamen sensus ejus clarissimus sit.

XXVIII.

Viramq; sententiam dicit Bellarminus manifeste falsam esse:
contrà obscuritatis causam refert ad duo, nimirum ad res & modum
loquendi: addit noster Mulhusinus vocem, tantum, qua omnes a-
lias causas excludit.

XXIX.

Quapropter Moguntini sentiunt cum Cardinale, scripturam
per se obscurissimam esse, nam per se clarissimam ille negat: quin i-
mò nullam in homine obscuritatis causam agnoscit, quia res &
modus loquendi non sunt à nobis, sed à Scriptura vel eius authore
Deo: Nonne hic vitium & defectum in ipsis scripturis notant Pon-
tificii?

XXX.

At nos statuimus, scripturam nec universam, nec aquabili-
ter obscuram esse, nec tantum ob loquendi modum & res, neq; per
se, vel quoad se, sed in nonnullis locis, & quidem ob humani inge-

nii infirmitatem, excitatem, & preconcepcionis errores, cum durissima
cordis & alii pravis affectibus conjunctos.

XXXI.

Sic enim Paulus scribit. 2. Cor. 4. v. 3. si opertum est Evangelium nostrum, in his, qui pereunt, est opertum, in quibus Deus huius seculi excavavit mentes infidelium, & non fulgeat eis illuminatio Evangelii gloria Christi. Et. v. 2. scripsit, se ambulare in manifestatione veritatis.

XXXII.

Ex his manifestum est 1. Verbum Dei non tantum ore predicatum, sed etiam ex scripto intellectum quoad se & per se habere dicitur φανερόν ίκλινθεντισμένον, ut possit manifestare veritatem & illuminare mentes noititia gloria Christi: Ergo scriptura etiam per se est causa manifestationis & illuminationis.

XXXIII.

Deinde ex his certum est causam obscuritatis esse partim Satanae φθλωσιν, partim hominum λατησίαν, quos Stephanus propter temerariam & pertinacem incredulitatem vocat σκληρούς κακοεργίας την παραπομπήν καιρού τοις ωστιν δει λατιστοντας τῷ τονεύματι τῷ θερμόν. Act. 7. v. 51. Quare reprobi resistendo Spiritu sancto, ipsi si in tenebras & caligines offendunt, ne clarissimos salutis radius ex Scriptura coruscantes videant.

Vera causa
obscurita-
tis.

XXXIV.

Ita Christus Luc. 24. ver. 25. culpam inscitiae discipolorum, non confere in scripturas Prophetarum, sed in insipientiam & tarditatem cordis humani, quam impeditur fides.

XXXV.

Hunc πρωτοδιδάσκαλον imitatus Petrus, τὸς οὐαλῆς Καστρού

grecus



sint̄s accusat, qui scripturas ad sensum à veritate alienum detor-
quent, atq; sic eis vim nefariam inferunt. 2. Epist. 3. v. 17.

XXXVI.

Verum supra ejusdem Epistola c. 1. v. 19. appellat Propheticum
verbum lucernam lucentem in loco caliginoso, donec dies illucescat
& lucifer oriatur in cordibus nostris. Certè obscurum non potest lu-
cere vel caliginem dispellere, quin potius crassissimas tenebras in-
ducit.

XXXVII.

Patrum sen-
tentiae.

Id ipsum sentiunt D. Patres obscuritatem scripture esse ac-
cedere. Bernhardus de vita solitaria ad Fratres de monte Dei sic
scribit: Si in lectione Deum querit, qui legit, omnia quae legit co-
operantur ei in bonum, & captivat sensus legentis, & in servitu-
tem redigit omnem lectionis intellectum in obsequium Christi. Si
in aliud declinat sensus legentis, omnia trahit post semetipsum, ni-
hilq; tam sanctum tam pium invenit in scripturis, quod seu per va-
nam gloriam seu per distortum sensum, seu per pravum intellectum
non applicet vel malitia vel vanitati.

XXXVIII.

Origenes lib. 7. contra Celsum: alii quoq; cordati viri scrutan-
do scripturam intellectum ejus invenire poterunt: Licet revera sit
multis locis obscura, sed non sic ut intelligatur à nemine, quantumvis
Celsus id asseverat. Neq; talis est, ut non stultus quispiam aut pra-
stigiator explanare, aut arbitrio suo torquere valeat: sed solus qui
unq; vere sapiens in Christo est, ratam seriem occultioris Prophetie,
percepit, spiritualia cum spiritualibus conferens, & consuetis Scri-
pturarum locutionibus astruens singula.

XXXIX.

Constat hinc, quod obscuritas Scriptura nec solum nec pri-
mario in loquendi modo & mysteriorum sublimitate, sed potius, in
hominum cecitate & pravitate Verbum Dei in hunc vel illum sen-
sum rapientium consistat.

QVAE

Q V E S T I O . I V.

An Pauli ἐκφωνήσις διανυασκή faciat scripturam sensu
Pontificio obscuram.

XL.

Cum Paulus Rom. II. v. 33. exclamat: ô altitudo divitiarum sapientia & scientia Dei, quam incomprehensibilia sunt judicia eius & investigabiles via eius: minimè patrocinatur Professoribus obscuritatis.

XL I.

Nam Primo Paulus non loquitur de altitudine obscura sed de planè incomprehensibili & investigabili, que Gracis est & ceteri sequuntur οὐκέτι χρήσιμος & opponitur τῷ γνώσθῳ: unde apparet eam nullo pacto cognosci posse: at obscurum cognosci potest, licet difficulter & imperfecte: alias non diceretur obscurum, sed planè & κατάληπτον οὐκέτι τον, quod sub intellectum non cadit.

XL II.

Deinde Paulus agit de rebus non revelatis: dicit enim quis cognovit mentem Domini, aut quis consiliarius eius fuit? Contra inter nos & Esauas questio est de rebus per scripturam revelatis, iuxta illud: Quid dicit scriptura? propè est Verbum in ore tuo & in corde tuo, Rom. 10. v. 8.

XL III.

Tertio vos Gesauvitæ blateratis de ea scriptura obscuritate, quam Catholica Ecclesia interpretari potest: sed altitudinem illum divitiarum apud Paulum interpretari non potest: Ergo, altitudo illa non est obscuritas eascriptura, de qua vos blateratis.

Ratio τύπος
οὐτιδίορε
ως 1. ab al
titudinis ad
iuncto.

2. à causa
efficiente:

3. à causa fi
nali.

XL IV.

Maior est manifesta: Dicitis enim Scripturam propter suam obscuritatem, indigere Catholica Ecclesia interpretatione. Minor textu nititur: quia Paulus non interpretatur illa judicia Dei, sed saltem admiratur: alias si posset interpretari, non vocaret & ceteri sequuntur.

C

Quod



X L V.

Ohe, iam
P. d' tificii
intelligi nt
perfeccio o.
mnia di vi
na myst
ria.

Quod si Papicola, obscuritatem scripture Paulus admirabiliter, vestra interpretatione auferre potestis, exponite queso nobis vias illas Dei investigabiles, & iudicia incomprehensibilia, & ostendite, ubi & quando Dei consiliarii fueritis. Tu in primis Iohannes Melius sine, qui nasi acumine polles, expone nobis altitudinem divitiarum sapientia & divinae scientie, & eris nobis ipso Apostolo Paulo maior.

X L VI.

Patrum te
stimonia,
Gregor. M.

Sanè divi Patres in obscuritatibus diluendis fuerunt longè modestiores. Gregorius Magnus lib. 1. expos. in I. Reg. c. 1. dicit: scriptura sanctæ, que ad cognoscendum Redemptorem sunt edita, pro sublimitatis sua dignitate, venerande tunc etiam sunt, cum non intelliguntur. Item; Sacra scriptura iam mirabiliter ab omnipo- tente Deo condita est, ut eis multiplicitate videatur exposua, non desinit ei tamen secreta, quibus servet occulta, quia fere numquam sic exponitur, ut ei non plura remaneant, que quotidie exponantur. &c.

X L VII.

Hieronymus de Regul. Monach. In divinis scripturis & libris, melius est obscura relinquere ut sunt, quam aliquid temere & prae- vè imitari, quod nescias.

X L V I I I.

Non omnis
veritas ape-
ritur in hac
vita.

D. Augustinus in Iohannem Tract. 96. Quod ait Christus (Do- cebit vos omnem veritatem, vel deducet vos in omnem verita tem) non arbitror in hac vita in cuiusquam mente posse compleri. Quis enim vivens in hoc corpore, quod corrumpitur & aggravat animam, posset omnem cognoscere veritatem, cum dicat Apostolus ex parte scimus.

X L I X.

D. Ambrosius Epist. 44 ad Constant. Mare est scriptura di-

vina



vina habens in se sensus profundos, altitudinem Propheticorum et
nigmatum, in quod mare, plurima introierunt flumina. Sunt ergo
et fluvii dulces, atque perspicui sunt et fontes nivei, qui saliunt
in vitam eternam, sunt et sermones boni sicut favi mellis et gra-
tiasententiae, que animos audientium spirituale quodam potu irri-
gent, et preceptorum moralium suavitate mulcent. Diversa igitur
Scripturarum divinarum fluenta. Habet quod primum bibas,
habes quod secundum, habes quod postremum.

L.

Institus in libro de Trinit. Ego dum querens ambigo, tum
maxime miratus Christiana mysteria, cogor exclamare, nostras res
esse jublimiores, quam ut ullâ mente, ullâ ratione, ullâ creatâ natu-
ra percipi queant. Quoties autem te quoque similia scrutantem fabi-
bit dubitatio, oppone questionibus paratam solutionem, fidem vid.
cogitans quod presente facienteque Deo, etiam si ignoretur aliquid e-
orum que dicta sunt, vel propter excellentiam natura, vel propter
dispensationis modum, nullum inde damnum accidat ignorantibus.

Quædam
obscura tu-
to possunt
ignorari.

L I.

Dignissimum quoque calamo est Origenis Testimonium supra
Lev. Hom. 5. Si quid superfuerit, quod non divina scriptura de-
cernat, nullam aliam tertiam scripturam (preter duo Testamenta, puto)
debere ad autoritatem scientia suscipi, quia hæc dies terria nominatur.
Sed igni tradamus quod superest, id est, Deo, reservemus. Nego, e-
nim in presenti vita, Deus scire nos omnia voluit, maximè cum id
et Apostolus dicat: Quia ex parte scimus, et ex parte prophetamus.
Hac tenuis Patres.

Præter scri-
pturam ni-
hil scire ad
salutem de-
bemus.

L II.

Verum Ecclesia Romana ~~et~~ non tantum sibi vendicat
authoritatem obscura queque exponendi: sed etiam altitudinem et
abyssum divina sapientie ad iudicij et sententia sua trutinam re-
vocandi. Pape, Pape, Quid est insipere si hoc non est: sed meretri-
cia soboles caret fronte.

Hæc



Hæc de Primo mendacio contra nos impudenter eructato : si
Gesauvvia in ceteris nec cautior nec veracior est, in magno cum
suo speculo discrimine famæ versabitur, id quod paulo post De-
nos invante experietur.

Rom. 8.

Si Deus pro nobis, quis contra nos?

F I N I S



05 A 568



Sb

V077



Farbkarte #13

